

25.

Na osnovu člana 16. stav 2. Zakona o Vladi Zeničko-dobojskog kantona-prečišćen tekst („Službene novine Zeničko-dobojskog kantona“, broj 07/10), a u vezi sa članom 15. Zakona o izvršavanju Budžeta Zeničko-dobojskog kantona za 2014. godinu (“Službene novine Zeničko-dobojskog kantona“, broj: 15/13), Vlada Zeničko-dobojskog kantona, na nastavku 198. sjednice od 30.12.2014. godine, održanom dana 15.01.2014. godine, d o n o s i

O D L U K U
o preraspodjeli sredstava u Budžetu Zeničko-dobojskog kantona za 2014. godinu

Član 1.
(Predmet)

Odobrava se preraspodjela sredstava planiranih u Budžetu Zeničko-dobojskog kantona za 2014. godinu (“Službene novine Zeničko-dobojskog kantona“, broj: 15/13) između budžetskih korisnika: Veterinarski zavod i Ministarstvo za rad, socijalnu politiku i izbjeglice.

Član 2.
(Način preraspodjele sredstava)

Preraspodjela sredstava u Budžetu Zeničko-dobojskog kantona za 2014. godinu vrši se na sljedeći način:

- na razdjelu 23, budžetska organizacija 02, potrošačka jedinica 0001 – Veterinarski zavod, rashodi planirani na na poziciji 821600 – Rekonstrukcija i investiciono održavanje umanjuju se za 142.204,00 KM.
- na razdjelu 20, budžetska organizacija 00, potrošačka jedinica 0001 – Ministarstvo za rad, socijalnu politiku i izbjeglice, rashodi planirani na poziciji 614200 KAD207 – Ostali socijalni transferi uvećavaju se za 142.204,00 KM.

Član 3.
(Realizacija Odluke)

Za realizaciju ove Odluke zadužuju se Ministarstvo za poljoprivredu, šumarstvo i vodoprivredu - Veterinarski zavod, Ministarstvo za rad, socijalnu politiku i izbjeglice i Ministarstvo finansija, svako u okviru svoje nadležnosti.

Član 4.

(Stupanje na snagu)

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-14-25735/14.

PREMIJER

Datum, 15.01.2015. godine

Zenica

Munib Husejnagić, dipl.ing.maš., s.r.

26.

Na osnovu člana 25. stav 4. Zakona o Fondu za zaštitu okoliša Federacije Bosne i Hercegovine (“Službene novine Federacije BiH“, broj: 33/03 i člana 16. stav 4. Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona“, broj: 7/10.), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 200. sjednici održanoj dana 15.01.2015. godine, d o n o s i

O D L U K U
o izmjenama i dopunama Odluke o načinu raspodjele sredstava Fonda za zaštitu okoline

I.

U Odluci o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj: 18/12) član II se mijenja i glasi:

„Prikupljena sredstva koja Fond za zaštitu okoline Federacije Bosne i Hercegovine u skladu sa članom 25. stav 1 Zakona o Fondu za zaštitu okoliša Federacije Bosne i Hercegovine raspoređuje kantonima, Vlada Zeničko-dobojskog kantona raspoređuje tako što 30% sredstava pripada Zeničko-dobojskog kantonu, dok se 70% sredstava, uplaćenih u Fond sa područja općine, usmjerava u budžete općina.

Upplaćena sredstva Ministarstvo finansija knjižit će pojedinačno za svaku općinu“.